



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Ad Lavdes.

urn:nbn:de:hbz:466:1-12077

Per nomen hujus martyris
 Da, nos pati quod jufferis,
 Solvi malis quæ fecimus,
 Bonum sequi quod novimus.

Patri supremo Numini,
 Nato, sacróque Flamini,
 Pro martyris victoria
 Sit sempiterna gloria. Amen.

A D L A U D E S .

MARTYR Dei fortissime,
 Christi sequens vestigia,
 Ipsi recumbis proximè
 Cœli super fastigia.

Tu, quâ potens es gratiâ,
 Fusî favore sanguinis,
 Affer malis solatia,
 Dono supremi Numinis.

Qui carnis exors pondere,
 Divûm colis consortia,
 Fac nos, subacto corpore,
 Audere tecum fortia.

Deo Patri sit gloria,
 Nato simul cum Flamine,
 Pro martyris victoria
 In Trinitatis nomine. Amen.